

STATUTI I
SHOQERISE TREGTARE
“Next Level Electric” SH.P.K.

Kreu 1

Dispozita të përgjithshme

Neni 1

Sipas kërkesave të ligjit numër 9901, datë 14.04.2008 “Për tregtarët dhe shoqëritë tregtare” dhe atij numër 9723, datë 03.05.2007 “Për regjistrimin e biznesit”, krijohet shoqëria tregtare “**Next Level Electric**” Sh.p.k, e cila do të veprojë në përputhje me legjislacionin shqiptar në fuqi dhe nenet e këtij statuti.

Neni 2

Në këtë statut termat e mëposhtme kanë këto kuptime:

Statuti: Statuti i shoqërise me përgjegjësi të kufizuar “Next Level Electric” Sh.p.k

Shoqëria: Shoqëria me Përgjegjësi të Kufizuar “Next Level Electric” Sh.p.k

Ligji Tregtar: Ligji 9901 datë 14.04.2008 “Për Tregtarët dhe Shoqëritë Tregtare”

Në kuptim të këtij statuti, shprehjet në njëjës përfshijnë ato në shumës dhe anasjelltas me përjashtim të rastit kur sipas kontekstit të dispozitës rezulton ndryshe. Përemri vetor “ai” përfshin edhe përemrin vetor “ajo” dhe përemrin vetor “atë”, nënkuptohen të dyja gjinitë me përjashtim të rasteve kur sipas kontekstit të dispozitës rezulton ndryshe.

Të gjitha njoftimet, kërkesat ose komunikimet e tjera që shoqëria i drejton ortakëve sipas këtij statuti, do të bëhen me shkrim dhe do të konsiderohen se janë kryer në mënyrë të rregullt kur u dërgohen ortakëve në adresat e deklaruara prej tyre pranë administratorit të shoqërisë.

Kreu 2

Themelimi, Emri, Objekti, Kohezgjatja, Selia

Neni 3


Sot, me datë 07.01.2021, ne, themeluesit, kemi krijuar një shoqëri me përgjegjësi të kufizuar me emrin “Next Level Electric” Sh.p.k.

Themeluesit e shoqërisë “Next Level Electric” Sh.p.k. janë:

- Endri Luga, i datëlindjes 21.02.1983, i biri Vildanit, lindur në Tiranë dhe banues në Tiranë, Shqipëri, i pajisur me kartë ID me nr. personal I30221157M.
- Klajd Luga, i datelindjes 22.05.1986, i biri Vildanit, lindur në Tiranë dhe banues në Tiranë, Shqipëri, i pajisur me kartë ID me nr. personal I60522058I.

Neni 4

Shoqëria do të ketë statutin e një shoqërie me përgjegjësi të kufizuar.



Neni 5

Objekti i veprimtarisë së shoqërisë do të jetë:

1. Import dhe eksport, tregti me pakicë dhe shumicë, shërbime, instalime, projektim dhe mirëmbajtje të sistemeve elektrike në tension të ulët dhe të mesëm, UPS e inverter, gjeneratorë, stabilizatorë, ndërtim linjash elektrike mbitokësore, ajrore, kabllore e nëntokësore për energjinë elektrike, linja fuqie dhe telekomunikacioni, nënstacione elektrike, punime elektrike civile dhe në industri, shërbime dhe punime në të gjitha fushat që lidhen me prodhimin, transmetimin dhe shpërndarjen e energjisë duke përfshirë sistemet e matjes inteligjente dhe rrjetat inteligjente të energjisë, zgjidhje hardware dhe software në sektorin e energjisë e të ngjashme.

2. Import dhe eksport, tregti me pakicë dhe shumicë, shërbime, instalime, projektim, krijim, integrim dhe mirëmbajtje të sistemeve telekomunikacion, rrjete kompjuterike dhe telefonie si dhe të lidhura me internetin, pajisje dhe aparatura elektronike në të gjitha fushat, pajisje për zyra dhe kancelarike, informatike, sisteme ëireless, pajisje kompjuterike hardware e software, faqe interneti e shërbime të tjera online e të ngjashme.

3. Shitje, shërbime dhe instalime në fushën e hidraulikës, mekanikës, ajrit të kondicionuar, ashensorëve, portave automatike e të ngjashme.

4. Tregti, instalim, shërbime dhe mirëmbajtje të sistemeve të sigurisë (sistemeve të survejimit dhe vëzhgimit CCTV, akses kontroll, kunder vjedhjes, dedektimit të zjarrit, fonisë, radio ndërlidhjes etj.) e të ngjashme.

5. Çdo aktivitet tjetër tregtar që lidhet në mënyrë të drejtëpërdrejtë ose tërthorazi me objektet e mësipërme të veprimtarisë dhe që është në përputhje me legjislacionin në fuqi.

6. Menaxhim projektesh, nënkontraktim shërbimesh në të gjitha fushat e sipërpërmendura më lart.

Neni 6

Shoqëria e ka selinë e saj në: Rruga Siri Kodra, pallati "EISA", (ish punishtja e pastave), kati përdhe, AP-3B, Tiranë.

Ajo mund të çelë dhe adresa aktiviteti të tjera të dyta, degë e filiale në të gjithë territorin e Republikës së Shqipërisë si dhe jashtë saj.

Neni 7

Shoqëria do të ketë kohëzgjatjen e veprimtarisë së saj pa afat.

Neni 8

Shoqëria ka vulën e saj.

Kreu 3
Kapitali

Neni 9

Kapitali themeltar fillestar i shoqërisë është 100,000 (Njeqindmijë) lekë dhe përbehet nga 2 kuota me vlefte 50,000 lekë secila. Pjesëmarrja e ortakëve themelues në kapitalin e shoqërisë është në përputhje me kontributet e tyre të mëposhtme:

- Endri Luga, i datëlindjes 21.02.1983, i biri Vildanit, lindur në Tiranë dhe banues në Tiranë, Shqipëri, i pajisur me kartë ID me nr. personal I30221157M, zotërues i 1 (një) kuote me vlerë të përgjithshme 50,000 lekë që përbën 50% të kapitalit themeltar të shoqërisë.
- Klajd Luga, i datëlindjes 22.05.1986, i biri Vildanit, lindur në Tiranë dhe banues në Tiranë, Shqipëri, i pajisur me kartë ID me nr. personal I60522058I, zotërues i 1 (një) kuote me vlerë të përgjithshme 50,000 lekë që përbën 50% të kapitalit themeltar të shoqërisë.

Te gjitha kuotat e kapitalit themeltar do të shlyhen me afat deri në 1 vit. Kontributi i ortakëve mund të jetë në para ose në natyrë.

Neni 10

Kapitali i shoqërisë mund të zmadhohet ose të zvogëlohet sipas vendimit të ortakëve.

Në asnjë rast shumica nuk mund të detyrojë një ortak për të rritur angazhimin e tij në kapitalin themeltar të shoqërisë.

Zvogëlimi i kapitalit lejohet nga asambleja e ortakëve, e cila merr vendime në të njëjtat kushte që kërkohet për ndryshimin e statutit.

Në të gjitha rastet zmadhimi ose zvogëlimi i kapitalit i prek ortakët në të njëjtën masë ndaj pjesëve të kapitalit që perfaqësojnë.

Neni 11

Ortaku mund të transferojë te tretëve kuotat e tij të kapitalit pjesërisht ose tërësisht. Transferimi i kuotave tek të tretët do të behet vetëm pasi të ketë marrë vendim asambleja e ortakëve me shumicë absolute të votave.

Kuotat e kapitalit mund të fitohen apo kalohen nëpërmjet:

- a) kontributit në kapitalin e shoqërisë
- b) shitblerjes
- c) trashëgimisë
- d) dhurimit
- e) çdo mënyrë tjetër të parashikuar me ligj

Kreu 4

Organet vendimmarrese dhe drejtuese

Neni 12

Organet te shoqërisë do te jenë:

- Asambleja e ortakëve
- Administratori

Fusha e veprimit, përbërja dhe mënyra e funksionimit të organeve drejtuese rregullohet si më poshtë.

Asambleja e ortakëve

Neni 13

Asambleja e ortakëve është organi më i lartë vendimor.

Asambleja e ortakëve është organi i vetëm vendimmarrës i shoqërisë që miraton çdo ndryshim të statutit sipas modaliteteve të përcaktuara në ligj.

Asambleja e ortakëve merr vendime sa herë e sheh të arsyeshme, por domosdoshmërisht për të miratuar pasqyrat financiare vjetore të shoqërisë.

Neni 14

Asambleja e përgjithshme e ortakëve është përgjegjëse për marrjen e vendimeve për shoqërinë për çështjet e mëposhtme:

- a) përcaktimin e politikave tregtare të shoqërisë;
- b) ndryshimet e statutit;
- c) emërimin e shkarkimin e administratorëve;
- ç) emërimin e shkarkimin e likuiduesve dhe të ekspertëve kontabël të autorizuar;
- d) përcaktimin e shpërblimeve për personat e përmendur në shkronjat “c” dhe “ç” të kësaj pike;
- dh) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
- e) miratimin e pasqyrave financiare vjetore, shpërndarjen e fitimeve dhe të raporteve të ecurisë së veprimtarisë;
- ë) zmadhimin dhe zvogëlimin e kapitalit;
- f) pjesëtimin e kuotave dhe anulimin e tyre;
- g) përfaqësimin e shoqërisë në gjykatë dhe në procedimet e tjera ndaj administratorëve;
- gj) riorganizimin dhe prishjen e shoqërisë;
- h) miratimin e rregullave procedurale të mbledhjeve të asamblesë;
- i) çështje të tjera të parashikuara nga ligji apo statuti.

Neni 15

Asambleja e përgjithshme thirret nëpërmjet një njoftimi me shkresë ose, nëse parashikohet nga statuti, me njoftim nëpërmjet postës elektronike të ortakëve. Njoftimi me shkresë apo me mesazh elektronik duhet të përmbajë vendin, datën, orën e mbledhjes dhe rendin e ditës e t'u dërgohet të gjithë ortakëve, jo më vonë se 7 ditë përpara datës së parashikuar për mbledhjen e asamblesë.

Kur asambleja e përgjithshme nuk është thirrur sipas paragrafit të mësipërm të këtij neni, ajo mund të marrë vendime të vlefshme vetëm nëse të gjithë ortakët janë dakord, për të marrë vendime, pavarësisht kësaj parregullsie.

Neni 16

Në rastin e marrjes së vendimeve, që kërkojnë një shumicë të zakonshme, asambleja e përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zotërojnë më shumë se 30% të kuotave.

Ne rastin kur asambleja e përgjithshme duhet të vendosë për çështje, të cilat kërkojnë shumicë të kualifikuar sipas nenit 87 të ligjit “Për tregtarët dhe Shoqëritë Tregtare”, ajo mund të marrë vendime të vlefshme, vetëm, nëse ortakët që zotërojnë më shumë se gjysmën e numrit total të votave, janë të pranishëm personalisht.

Nëse asambleja e përgjithshme nuk mund të mbledhet për shkak të mungesës së kuorumit të përmendur më lart, asambleja mbledhet përsëri jo më vonë se 30 ditë, me të njëjtin rend dite.

Neni 17

Asambleja e përgjithshme vendos me tri të katërtat ($\frac{3}{4}$) e votave të zotëruesve të kapitalit, të ortakëve pjesëmarrës, për:

- a) ndryshimin e statutit,
- b) zmadhimin ose zvogëlimin e kapitalit të regjistruar,
- c) miratimin e pasqyrave financiare vjetore,
- ç) shpërndarjen e fitimeve,
- d) riorganizimin dhe prishjen e shoqërisë,

Asambleja e përgjithshme vendos me shumicë të votave të ortakëve pjesëmarrës, për çështje të tjera si:

- a) përcaktimin e politikave tregtare të shoqërisë;
- b) emërimin e shkarkimin e administratorëve;
- c) emërimin e shkarkimin e likuiduesve dhe të ekspertëve kontabël të autorizuar;
- ç) përcaktimin e shpërblimeve
- d) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
- dh) përfaqësimin e shoqërisë në gjykatë dhe në procedimet e tjera ndaj administratorëve;
- e) miratimin e rregullave procedurale të mbledhjeve të asamblesë;

Çdo ndryshim statuti duhet të depozitohet në QKB për të pasqyruar ndryshimet në skedën e shoqërisë.

Administrimi

Neni 18

Asambleja e përgjithshme emëron një ose më shumë persona fizikë si administrator të shoqërisë. Afati i emerimit është 5 vjet, me të drejtë ripërtëritjeje. Emërimi i administratorëve prodhon efekte pas regjistrimit në QKB.

Neni 19

Administratori ka të drejtë të përfaqësoj shoqërinë në marrëdhënie me të tretët për përmbushjen e aktivitetit të saj në përputhje me nenin 5 të këtij statuti.

Organi Administrativ (administratori) ka të drejtë dhe duhet të:

- a) kryejë me mirëbesim të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga asambleja e përgjithshme e ortakëve e në interesin më të mirë të shoqërisë në tërësi;
- b) përfaqësojë shoqërinë tregtare;
- c) kujdeset për mbajtjen e saktë e të rregullt të dokumenteve dhe të librave kontabël të shoqërisë;
- ç) përgatit dhe nënshkruajnë pasqyrat financiare vjetore, dhe raportin e ecurisë së veprimtarisë dhe, së bashku me propozimet për shpërndarjen e fitimeve, i paraqesin këto dokumente përpara asamblesë së përgjithshme për miratim;
- d) krijojë një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë;
- dh) kryejë regjistrimet dhe dërgojnë të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit;
- e) raportojë përpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;

ë) kryejë detyra të tjera të përcaktuara në ligj dhe në statut.

f) marrë në punë persona të ndryshëm dhe rregullimin e marrëdhënieve të punës me ta.

g) përfaqësojë apo emerojë përfaqësues në çështje gjyqësore që mund të ketë shoqëria ose në çështje të tjera me palë të treta;

Nëse asambleja e përgjithshme emëron më shumë se një administrator, ata e administrojnë bashkërisht shoqërinë, përveç rasteve kur në vendimin e emërimit shprehet ndryshe.

Asambleja e përgjithshme mund të shkarkojë administratorin në çdo kohe me shumicë të zakonshme.

Neni 20

Administrator i shoqërisë "Next Level Electric" Sh.p.k emërohet Z. Endri Luga, i datëlindjes 21.02.1983, i biri Vildanit, lindur në Tiranë dhe banues në Tiranë, Shqipëri, i pajisur me kartë ID me nr. personal I30221157M. Afati i mandatit të administratorit do të jete 5 vjet nga data e miratimit të këtij statuti.

Kreu 5

Kushtet ekonomike

Neni 21

Shoqëria është pronare, disponuese dhe përdoruese e pasurisë së saj. Ajo vepron në regjistrin e pronës si çdo person tjetër juridik në Shqipëri; mund të blejë, të shesë, të japë në përdorim, etj.

Neni 22

Në fund të çdo periudhe ushtrimore hartohen pasqyrat financiare sipas ligjeve në fuqi. Pasqyrat financiare periodike mujore, tremujore, gjashtëmujore miratohen e nënshkruhen nga administratori i shoqërisë. Pasqyrat financiare vjetore nënshkruhen nga administratori dhe miratohen nga Asambleja e përgjithshme e Ortakëve.

Neni 23

Viti financiar i shoqërisë fillon me 1 Janar dhe përfundon me 31 Dhjetor. Perjashtimisht viti i parë financiar fillon nga data e regjistrimit në QKB dhe mbyllet me 31 Dhjetor.

Neni 24

Marrëdhëniet e punës në këtë shoqëri rregullohen nëpërmjet kontratës së punës. Për çështjet që nuk parashikohen në këtë statut do zbatohen dispozitat e Kodit të Punës në Republikën e Shqipërisë. Mosmarrëveshjet e punonjësve me shoqërinë do të zgjidhen në Gjykatën Shqiptare.



Kreu 6

Dizpozita të veçanta

Prishja – riorganizimi i shoqërisë

Neni 25

Shpërndarja ose prishja e shoqërisë mund të bëhet në çdo kohë, për shkaqet:



- a) me vendim të Asamblesë së Ortakëve për prishjen e shoqërisë;
- b) sipas rasteve të parashikuara nga Ligji Tregtar;
- c) me hapjen e Procedurave Të Falimentimit;
- ç) me vendim të Gjykates;

Neni 26

Në rastin e prishjes së shoqërisë, Ortakët marrin vendim me shkrim në të cilin parashikojnë mënyrën e likuidimit të shoqërisë, duke caktuar një ose disa likuidatorë.

Likuidimi kryhet nga likuiduesit e emëruar nga Ortakët, duke likuiduar në radhe të parë detyrimet ndaj punonjësve, shtetit e me pas ndaj te tretëve. Në rastin e teprices së kapitalit të shoqërisë me përfundimin e likuidimit, kjo i shpërndahet Ortakëve.

Nëse Ortakët nuk marrin një vendim për emerimin e likuiduesve, brenda 30 ditëve pas prishjes, çdo person i interesuar mund ti drejtohet Gjykates, për të caktuar një likuidues.

Neni 27

Shoqëria mund të ndahet, bashkohet sipas vendimit të Asamblese së përgjithshme të Ortakëve, në përputhje me dispozitat ligjore të parashikuara në ligjin nr. 9901 datë 14.04.2008 "Për tregtarët dhe shoqëritë tregtare".

Baza ligjore

Neni 28

Shoqëria do të zhvillojë aktivitetin e saj në përputhje të plotë me këtë statut dhe dispozitat e legjislacionit shqiptar.

Për sa nuk parashikohet në këtë statut, do të zbatohen dispozitat e ligjit "Për tregtarët dhe shoqëritë tregtare, Kodi Civil dhe çfaredo ligji tjetër në Republikën e Shqipërisë.

Neni 29

Mosmarrëveshjet që mund të lindin midis shoqërisë dhe të tretëve, zgjidhen me mirëkuptim, në të kundërt palët i drejtohen Gjykates së Republikës së Shqipërisë për zgjidhje.

Neni 30

Ky statut u perpilua në prani të ortakeve të shoqërisë duke shprehur vullnetin e tyre të plotë e të lirë.

Ai u perpilua në tre kopje me fuqi të barabarta secila, për t'u depozituar në QKB, për t'u shpërndarë në organet kompetente dhe një kopje mbetet në dokumentacionin bazë të shoqërisë.

Tiranë më 07.01.2021

ORTAKËT E SHOQËRISË **"NEXT LEVEL ELECTRIC" SHPK**

Endri LUGA

Endri Luga

Klajd LUGA

Klajd Luga